



Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Služba za privredu i lokalni ekonomski razvoj

Broj: 02/03-28-9273/19  
Sarajevo, 29.04.2019. godine

## PREDMET: Zapisnik sa sastanka Poslovnog/Privrednog savjeta - II

Dana 29.04.2019. godine u prostorijama Općine Novi Grad Sarajevo, u periodu od 14:00 do 15:30 sati, održan je Drugi sastanak Privrednog/Poslovnog savjeta Općine Novi Grad Sarajevo (Savjet). Sastanku Savjeta prisustvovali su: članovi - Muhamed Bekto - Direktor JU Služba za zapošljavanje KS, Muamer Mahmutović - Predsjednik Privredne komore KS, Memnun Trako - Direktor Sprind dd, Naida Omić - OD Sana Solutions, Jasmin Ahmić – Centar za edukaciju Dizart, Malik Ramić - Veritas Automotive doo i Jusuf Listo - Direktor Hotel Ibis Styles Sarajevo i predstavnici Općine Novi Grad Sarajevo Džemaludin Kahrović – Predsjednik Savjeta, Pomoćnik Općinskog načelnika Službe za privredu i lokalni ekonomski razvoj, Hazima Pecirep, Šefica Odsjeka za lokalni ekonomski razvoj – Pridruženi član savjeta i Anera Kečo, Stručna savjetnica u Odsjeku za lokalni ekonomski razvoj – Sekretar Savjeta. Obzirom da Direktor Centrotrans - Eurolines dd Safudin Čengić nije bio u mogućnosti prisustvovati sastanku Savjeta, umjesto imenovanog prisustvovala je Aldijana Čubro Katica - Centrotrans - Eurolines dd. Odsustvo su pravovremeno najavili članovi: Muamer Halilbašić - Direktor Ekonomski institut Sarajevo, Elza Gaković - Predsjednica Komisije za Budžet Općinskog vijeća Novi Grad Sarajevo, Safudin Čengić - Direktor Centrotrans - Eurolines dd.

Shodno inicijativi sa Prvog sastanka Savjeta (u novom sazivu) gđin. Čengića, drugi sastanak je bio usmjeren na razgovor na temu "Problematika obezbjeđenja radne snage u realnom sektoru uz posredovanje Službe za zapošljavanje Kantona Sarajevo" sa ciljem da se sa prijedlozima ili inicijativama doprinese rješavanju ove problematike u korist poslodavaca.

Predloženi Dnevni red:

1. Usvajanje Zapisnika sa prethodnog sastanka Privrednog/Poslovnog savjeta (16.04.2019.)
2. Problematika obezbjeđenja radne snage u realnom sektoru uz posredovanje Službe za zapošljavanje Kantona Sarajevo
3. Zaključci i preporuke po tački 2. i prijedlozi za naredni sastanak

Sjednicu Savjeta vodio je Predsjednik Džemaludin Kahrović, a po predloženoj temi moderirao gđin. Bekto, član Savjeta. Nakon jednoglasnog usvajanja predloženog Dnevnog reda i Zapisnika sa prethodnog sastanka, u uvodnom dijelu na predloženu temu govorio je Direktor JU Služba za zapošljavanje KS – Muhamed Bekto. Gđin. Bekto je ukratko obrazložio sa kojim problemima se poslodavci suočavaju kada imaju potrebu za kvalifikovanom radnom snagom, a istu ne mogu obezbijediti iako osoba traženih kvalifikacija na evidenciji nezaposlenih ima. Razlog je da nemaju nikako ili nedovoljno iskustva i prakse u struci, zatim imaju visoka očekivanja od poslodavaca, na evidenciji su samo radi zdravstvenog osiguranja, imaju povremene ili sezonske angažmane bez prijave i slično. Imenovani je istakao da trenutno u evidenciji nezaposlenih na nivou KS ima 60.535 lica, na nivou općine Novi Grad Sarajevo 16.353 lica. U cilju sagledavanja realnog stanja evidencije, Služba razdvaja aktivne i pasivne tražioce posla, jer je evidentno da

**Adresa:** Bulevar Meše Selimovića br. 97, 71 000 Sarajevo; **tel:** +387 33 29 12 92;  
**fax:** +387 33 29 12 81; **e-mail:** [privreda1@novigradsarajevo.ba](mailto:privreda1@novigradsarajevo.ba);

su u omjeru od oko 50% teško upošljive kategorije, zatim osobe koje imaju formalno obrazovanje, ali nisu pravovremeno stekli radno iskustvo, te nisu u prilici bili pratiti napredak tehnologije i ne mogu odgovoriti potrebama tržišta rada. Bekto je kazao da jedan dio nezaposlenih često odbija poslove, jer su angažovani na "crnom tržištu rada", što treba suzbiti adekvatnim mjerama (brisanje sa evidencije nezaposlenih ili sl.). Također je kazao da je evidentno da poslodavci imaju visoke finansijske obaveze po zaposlenom, te da vrlo često traže radnika koji će biti kvalifikovan da obavlja više radnih zadataka, te sa tim u vezi od presudne važnosti je smanjenje "nameta" poslodavcima kako bi se plate u realnom sektoru povećale i kako bi radnici bili zadovoljniji. Imenovani je kazao da je procjena da je oko 10.000 lica prijavljeno u evidenciju nezaposlenih samo radi zdravstvenog osiguranja (nisu stvarni stanovnici KS ili sl.).

Nakon izlaganja Direktora Službe za zapošljavanje, Predsjednik Savjeta je pozvao sve članove da iznesu vlastita iskustva i probleme sa kojima se suočavaju prilikom upošljavanja novih radnika.

Članica savjeta Naida Omić (OD Sana Solution) je kazala kako joj vrlo često posao/narudžba za isporuku dolazi u neizvjesnost zbog nesavjesnih radnika koji napuštaju posao zbog različitih razloga, bez najave, te da ne može efikasno naći zamjenu za zanimanje šnajder, bez obzira što postoji i srednja škola u KS za ovo zvanje.

Zatim, Aldijana Čubro-Katica je opisala iskustvo kompanije Centrotrans-Eurolines dd kada bez obzira na podsticajna sredstva KS i Općine za sufinansiranje obuke nisu mogli pravovremeno naći novu radnu snagu. Ovaj problem je posebno izražen za zanimanje vozač. Sa tim u vezi teži se ka izmjeni državnog zakona kako bi se isključila obaveza da profesionalni vozač mora imati završenu saobraćajnu srednju školu kako bi se efikasnije obezbjedila radna snaga u ovoj oblasti uz stručno usavršavanje. Evidentan je i odlazak vozača u zemlje EU radi većih primanja.

Nakon ovih izlaganja, zaključeno je da je važnost Programa podsticaja za realni sektor za potrebe obuke i stručnog usavršavanja veoma bitna, te da iste treba zajednički razvijati i unapređivati.

Gdin. Ramić ispred kompanije Veritas-Automotive, obzirom da nije bio u mogućnosti prisustvovati na prethodnom konstituirajućem sastanku Savjeta, ukratko je prisutne upoznao sa djelatnosti kompanije kao članice Veritas grupe čije je sjedište u Njemačkoj. Trenutno kompanija ima 460 uposlenih, a u bližoj budućnosti imat će potrebu za upošljavanje još 180 lica radi realizacije novog Projekta, a u narednih 5 godina plan je da kompanija ima od 1000 do 1200 uposlenih. U smislu teme sastanka, gdn. Ramić je kazao da za zaposlenje nije presudno formalno obrazovanje, nego matrica potrebnog znanja koja se traži za određeno radno mjesto. U cilju efikasnijeg obezbjeđenja potrebne radne snage, kompanija ima saradnju sa Mašinskim fakultetima u Sarajevu i Istočnom Sarajevu, a razvijaju i pristup prema srednjim strukovnim školama, i naglašavaju važnost dualnog obrazovanja tokom školovanja.

Direktor Ibis Styles gdn. Listo kazao je da su se problemom obezbjeđenja radne snage suočili u novembru mjesecu 2018. godine, a podsticaj za obuku i upošljavanje koje nude KS i Općina pokazao se kao jako uspješan. Također je kazao da je obuka nakon formalnog obrazovanja jako potrebna, jer trenutni obrazovni sistem ne prati poboljšanja i nove standarde u hotelijerstvu, te da je i u ovoj oblasti prisutan odlazak radne snage izvan zemlje na sezonski rad. Direktor je kazao da je u oblasti hotelijerstva od presudne važnosti usluga osoblja u hotelu, te da loše iskustvo i imidž mogu doprinijeti smanjenju broja turista.

Direktor Centra za edukaciju Dizart kazao je da je za programe podsticaja za obuku najbitnije da su kontinuirano dostupni poslodavcima ili da se pruži mogućnost refinansiranja, jer potreba za novim upošljavanjem ne može čekati.

Kompanija Sprind se također suočila sa iznenadnim odlascima radnika, kada u pitanje dolazi čitava proizvodnja, a problem imaju sa obezbjeđenjem kadrova na svim nivoima proizvodnje, a formalno obrazovanje nije presudno za upošljavanje. Direktor Trako je kazao da bi bilo potrebno sistemski pristupiti i rješavanju problematike za stalne prekvalifikacije određenih lica, obzirom da se pojedini nezaposlenih

konstantno javljaju za obuku po različitim oblastima i kompanijama, da bi kasnije napustili kompaniju, a uloženi resursi budu neiskorišteni.

Gdin. Mahmutović je istakao da je potrebno da Služba za zapošljavanje KS pojednostavi proces traženja posla za aktivne tražioce, zatim da se ostvari saradnja između Službe i poslodavca sa ciljem verifikacije onih koji tri puta odbiju zaposlenje radi brisanja sa evidencije nezaposlenih, zatim da programi obuke i dokvalifikacije tretiraju stanje koje je zatečeno, te da se fokus stavi na dualni sistem obrazovanja kroz zakonodavni okvir koji je u proceduri, po uzoru na zemlje u regionu.

Na osnovu prethodnih diskusija direktor Bekto je zaključio da je bitno još u osnovnim školama početi realizovati programe za karijerno usmjeravanje kako bi se obrazovni sistem uskladio sa potrebama tržišta rada. U tom smislu je potrebno razvijati programe kako bi kompanije u kojima su učenici obavljali praksu tokom školovanja, kasnije dobiju podsticaj za uposlenje učenika koji su završili školovanje i praksu. Obzirom da je već rađen prijedlog normativa u ovoj oblasti, potrebno je donošenje istih ubrzati i napraviti bazu kompanija u realnom sektoru gdje se može realizovati praktična nastava.

Nakon što su svi članovi Savjeta imali priliku govoriti na postavljenu temu, donesena su 4 zaključka po istoj, a zatim je predsjednik Savjeta je prešao na tačku razno Dnevnog reda u okviru koje su kompanije Sprind i Veritas Automotive podijelile vlastito iskustvo vezano za nepostojanje javnog gradskog prevoza do Poslovne zone Rajlovac za radnike koji nemaju vlastite automobile, a sa ciljem pozitivnog rješavanja. Naime, zona Rajlovac i obuhvat naselja Rajlovac broji oko 70 privrednih subjekata sa oko 2000 radnika koji rade u dvije ili tri smjene. Dogovoreno je da će se u narednom periodu zajednički sagledati potrebe privrednih subjekata na datom lokalitetu za obezbjeđenje javnog gradskog prevoza u odnosu na radno vrijeme kompanija. Podršku Općini u vezi navedenog pružit će kompanije Sprind i Veritas Automotive.

Shodno diskusiji na temu "Problematika obezbjeđenja radne snage u realnom sektoru uz posredovanje Službe za zapošljavanje Kantona Sarajevo", te vezano za nepostojanje javnih gradskih linija za poslovnu zonu Rajlovac, Privredni/Poslovni savjet Općine Novi Grad Sarajevo je donio sljedeće zaključke:

- Potrebno je da Služba za zapošljavanje KS razdvoji u evidenciji nezaposlenih aktivne i pasivne tražioce posla, te da razvije mehanizam saradnje sa poslodavcima radi evidentiranja onih koji odbiju posao
  - Promocija uvođenja sistema dualnog obrazovanja
  - Nastaviti sistemski pristup saradnje realnog i javnog sektora u realizaciji podsticaja za stručno usavršavanje, dokvalifikaciju i prekvalifikaciju nezaposlenih
  - Inicijative za smanjenje poreza i doprinosa poslodavcima radi povećanja plata ili razviti programe za subvenciju istih u saradnji sa Udruženjem poslodavaca FBiH
- Usaglasiti i uputiti inicijativu Ministarstvu saobraćaja KS za uvođenje linije za prevoz putnika na realaciji Stup – Poslovna zona Rajlovac shodno radnom vremenu kompanija u datoj zoni

Zapisnik pripremila:

Anera Kečo – Sekretar Savjeta



DOSTAVITI:

- Članovima Savjeta (e-mail)
- Evidencija












Verifikacija – Predsjednik Savjeta  
Džemaludin Kahrovic, dipl.ecc.

Bosna i Hercegovina  
 Federacija Bosne i Hercegovine  
 Kanton Sarajevo  
 Grad Sarajevo  
 Općina Novi Grad Sarajevo  
 Općinski načelnik  
 Služba za privredu i lokalni ekonomski razvoj

Broj: 02/03-28-9273/19  
 Sarajevo, 29.04.2019. godine

**EVIDENCIJA PRISUSTVA – Sastanak Privrednog/Poslovnog savjeta Općine Novi Grad Sarajevo – II**

Ime i prezime	Institucija/Organizacija/ Firma	Kontakt telefon	E-mail	Potpis
1. Muhamed Bekto	Direktor JU Služba za zapošljavanje KS	061 661 1111	<a href="mailto:muhamed.bekto@szks.ba">muhamed.bekto@szks.ba</a>	
2. Muamer Halilbašić	Direktor Ekonomski institut Sarajevo	061 661 1111	<a href="mailto:muamer.halilbasic@efsa.unsa.ba">muamer.halilbasic@efsa.unsa.ba</a>	
3. Muamer Mahmutović	Predsjednik Privredne komore KS	061 661 1111	<a href="mailto:muamerm@pkksa.ba">muamerm@pkksa.ba</a>	
4. Elza Gaković	Predsjednica Komisije za Budžet Općinskog vijeća Novi Grad Sarajevo	061 661 1111	<a href="mailto:elzagakovic01@gmail.com">elzagakovic01@gmail.com</a>	
5. Safudin Čengić	Direktor Centrotrans - Eurolines dd	061 661 1111	<a href="mailto:s.cengic@centrotrans.com">s.cengic@centrotrans.com</a>	
6. Memnun Trako	Direktor Sprind dd	061 661 1111	<a href="mailto:memnun83@yahoo.com">memnun83@yahoo.com</a>	
7. Malik Ramić	Veritas Automotive doo	061 661 1111	<a href="mailto:Malik.Ramic@veritas-ag.de">Malik.Ramic@veritas-ag.de</a>	
8. Jusuf Listo	Direktor Hotel Ibis Styles Sarajevo	061 661 1111	<a href="mailto:jusuf.listo@accor.com">jusuf.listo@accor.com</a>	
9. Naida Omić	OD Sana Solutions	061 661 1111	<a href="mailto:omic.naida@gmail.com">omic.naida@gmail.com</a>	
10. Jasmin Ahmić	Centar za edukaciju Dizart	061 661 1111	<a href="mailto:dizart.sa@gmail.com">dizart.sa@gmail.com</a>	
11. Džemaludin Kahrović	Pomoćnik Općinskog načelnika Službe za privredu i lokalni ekonomski razvoj	061 661 1111	<a href="mailto:privreda1@novigradsarajevo.ba">privreda1@novigradsarajevo.ba</a>	
12. Hazima Pecirep	Šefica Odsjeka za lokalni ekonomski razvoj	061 661 1111	<a href="mailto:razvoj@novigradsarajevo.ba">razvoj@novigradsarajevo.ba</a>	
13. Anera Kečo	Stručna savjetnica u Odsjeku za lokalni ekonomski razvoj	061 661 1111	<a href="mailto:anera@novigradsarajevo.ba">anera@novigradsarajevo.ba</a>	